

Transkription von Stadtbucheintrag BRB 1455e

Ort, Datierung: Brandenburg an der Havel, 1455-10-16

Signatur: Stadtarchiv Brandenburg, Cod. N3/8.3, 2v-3r

Inhalt: Schöffenschaft der Städte Brandenburg: Bestimmungen über Festgelage; Schreibereid; Schuldbucheinträge

Weme dy dinst horet / Na gades geborth virteynhundert Jm viff vnd(e) vefftigsten Ja(r)e am /
donredage nha dy meynte weke Syn dy schepen eyn geworden Jn / wes husz dy koste is , dy schal
tovorne gheuen . solt vnde raggen / broth fülle byr , etczick speck holt vnd(e) kalen , wes hee forder
köpt / dat sall men em bothalen , waneher ma(n) ghensze spiset szo sall / ma(n) , dy ganz botalen vor
, twe g(ulden) vor brandenborg(esches) byer iiij g(ulden) / wan eher ma(n) spiset caphanen schal me(n)
gheuen vor eyne(n) Juwe-/ligen x x d(inarii) vnd(e) vor ey(n) han viij d(inarii) Jtem vp osteren schal
me(n) / dye eyer keszen ock nicht bothalen . lichte schall dy werth ock ghe-/uen . des geliken botter
vnd(e) kesz Deme gesinde eynen schillingk / Deme fronebaden eyne(n) schillingk / Deme knechte in
dy wagebude eyne(n) schilli(n)gk dat hee dy schepe(n) / vorbadet / Deme ouersten koster(e) iiij
g(ulden) dar vór . dat hee der schepe(n) lampe / an stecket dem suluen van Iüweligen slage wan hee
leth oell ma=/ken j g(ulden) / Des schriuers eydt / Tho dem(e) ambachte der schepen schriuerye , dar
ick to byn / angenamet , dar wil [ick] ¹ recht an don , den armen also den riken , den / riken also den
armen , den befrunden also den fremden , vnde / wil neyne ordel voranderweyden , edder van my
schriuen , noch / to kort odder tolanck , mit witschap , wen also my dy schepen / bofelen , Ock wil ick
der Schepen heymelike dingk nicht melde(n) / vnde ordelle dy si bosluten nicht melden , eer si to der
steden / kamen sint vnde geapembaret sint , Besünderen yegen dy / schepen , vnde wil der schepen
beste bowethen , Ock wil ick / to den Schepen ghan , wanner ick vorbadet werde , Dat wil ick / so
stede vnde vaste holden , ane argelist vnde alles geferde , / also my godt szo helpe vnde sine hilligen , //
D[i]sse gheuen Renthe / Steffen smedt hefft twelff schockvpp sine stenowesche hüen / dar van gefft
hee twe punth vp paschen / Rūtenick ² hefft vj schock vpp sin erffe dar van gefft hee ey(n) pu(n)t / vp
iohannis / Hans hogensteyn hefft vj schock vpp sin erffe dar van geft / hee vp iohannis eyn pūnth /
Benedict(us) merten hefft vj schock vp sin erffe dar van gefft / hee ey(n) punth vp michaelis /

¹ Auslassungszeichen, über erste Zeile geschrieben

² durchgestrichen